

Iuminosior resultat oratio, & intellectus rerum expeditior, ignota sectantes spreuit irrisitque & castigavit. In suis hunc morem insaniam vocans, ea loqui vel scribere, quæ admirationis plusquam intelligentiæ allatura sint animis audientium. Inhæserat siquidem, ut arbitror paterno præcepto, quod proximè cum de Iul. Cæsare loquerer inserui.

ASINIVS POLLIO.

ASinius Pollio prætermittendus non videtur, quem ut apparet cuiusque iudicio, fore medium inter duos eloquentissimos Latinorum M. Tullium & T. Livium, Seneca constituit. Ita non spernendus auctor, neminem de præmissis sex, præter Tullium enumerans, tres vult eloquentiæ Principes, quos in Epistola quadam videtur omnibus præferre, secundum faciens Pollionem cuius orationem Ciceronianæ dissimilem, & ut verbis eius utar salebrosam & exilientem dicit, & ubi minimè expectes autem relicturam. Huius & si nulla eloquentiæ momenta in manus meas adhuc venerint, quia tamen ipsum per se nomen celebre ac peruulgatum erat: non fuit mihi de eloquentia scribenti, silentio obruendum,
 præsertim